

三儀同卷

壹

羅天大醮早朝科朝午朝晚

壹十二

各禮師存念如法

青陽虛映 曜日回靈 神虎辟邪 飛天流鈴

摧奸滅試 萬魔束形 九微回道 八威攝精

千真校錄 三元蕩清 左嘯中黃 右策六丁

七轉八合 周旋天經 聖化巍巍 三道順行

慶雲流布 合景黃庭

鳴法鼓二十四通

無上三天玄元始三炁太上老君召出臣身

中三五功曹左右官使者左右捧香金童傳

言散花玉女五帝直符直日香官各三十六
人出出者嚴裝顯服冠帶垂纓關啓玄壇土
地方域神真臣今早朝陞壇行道朝謁

帝真謹奏爲入意其諸誠意具載緘謄願得
太上至真道炁靈寶瑞光下降流入臣等身

壹十一

中令臣所啓之誠速達徑御

至真無極大道

三清上聖

昊天至尊金闕玉皇上帝御前

請稱法位

具位 與臨壇官衆等謹同誠上啓

虛無自然元始天尊无極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上保上傳太
平下教二十四真人西城總真玉君太乙真
人東嶽上卿司命茅君定錄保命二真人名
山洞府得道神仙三界官屬一切真靈恭望

洪慈洞回昭格

伏念臣久處法門未明玄奧勉持戒律幸保
簪裳思進道以怡神庸修陽德誓度人而救
物庶積陰功凡有請祈豈容抑塞意有所出
情動于中齋官心詞謹當宣奏

壹十一

宣詞

具如詞言灼見誠心冒瀆玄慈益深祇畏
臣聞三炁純精五行麗質清濁混成之始先
物肇形圓方分判之初合章發秀氤氳交錯
非霧非煙盤薄浮羅或隱或現靈風振激抑

揚流空洞之音妙氣陶鎔宛轉結飛玄之字
我太上留神於造化命皇人按筆以啓奉傳以
五靈所蘊者爲五方之文以八會所鍾者爲
八天之篆黃籙白簡赤書玉篇所以合景層
霄範圍太極肇乎不有開化人天隱於無言
資成動植雖九壇之妙範儀矩不同而三錄
之玄科名實一致今齋官某福緣素厚信著
於情命祿方剛財周於用委誠心而皈命伸
志願以祈恩信幣具陳靈場肅備今也空歌
奏響祥開碧落之天洞戶飄香瑞靄黎元之

蓋九節導飛空之駕三華浮步景之壇入靜
朝元真光洞徹乘時觀妙內景發輝感格信
誠昭彰福善以今清旦行道請法衆等運茲
初捻上香

願此香煙騰空徑上

壹十一

三清之境臣等皈身皈神命首體投地仰
依

太上三尊以是捻香功德上祝

當今皇帝伏願懋膺景命遐保丕圖不窳不
崩隆壽山而永峻時萬時億注福海以深深

如日之升九有之山河盡照猶天之覆四時
之風雨無愆民樂昇平物無疵癘今故燒香
自皈依道尊大聖衆至真之德得道之後保
天長存

以今清旦行道請法衆等運茲二捻上香

願此香煙騰空徑上

三清之境臣等皈身皈神皈命首體投地仰
依

太上三尊以是捻香功德伏爲齋官祖禰姻
親先亡眷屬伏願瞻啓明之星彩出離泉扃

聞碧落之空歌回翔天際罪落黑書之字名
標玉簡之科脫迹苦緣生神樂土九陽道岸
披拂仙風八景真階瞻依玉相今故燒香自
皈依

經尊大聖衆至真之德得道之後早入無形

以今清旦行道請法衆等運茲三捻上香

願此香煙騰空徑上

三清之境臣等皈身皈神皈命首體投地仰

依

太上三尊以是捻香功德奉爲齋官某一門

眷屬伏願輝華瑞日照徹身宮和煦晨風開
榮命宇百關調暢保四大以無虞一炷委蛇
與五神而共理德行流馨於蘭蕙年齡比茂
於椿松百福駢臻千愆永釋今故燒香自皈
依

十一

師尊大聖衆至真之德得道之後與道合真

唱方

懺悔

命魔

三啓頌

三禮

重稱法位

具位

與臨壇官衆等謹同誠上啓

三境至尊十方上聖玉京金闕天帝天真十方師尊聖衆三界官屬一切威靈

臣聞感著於誠要歸乎道情敷於信能格乎天由其始之有經則必終然見效臣等慚非明俊謬處玄虛久服訓辭殊無識度約性天而昧於恍惚憫世態而惑於紛華無柰自迷固難獨立幸寅緣之有素得奉經科雖黽勉

之不辭奚逃鬼責伏念齋官某奉天祇戒事
帝推誠思神念真收視反聽仰仙風而不遠
存道妙以惟勤爰啓熏修聿嚴齋醮誦經行
道燒香散花瞻寶座於瑤臺祥煙絢彩想圓
明於法座瑞日騰輝將以感格上元交通無
間首愆謝罪保命延生開濟苦輪資崇善果
伏惟璇霄至聖絳闕高真羽衛森羅徧周於
下土旌幢掩映洞煥於太空雅韻奏而上徹
三天闡靈音而該通八極啓幽冥之苦趣滋
動植之生源拯拔有情提携未度上願

皇圖卜世地久天長臣子宣勤雲行雨施無
一夫之失所與萬物以爲春四海均庥五兵
不試俾齋官其茂膺景貺常沐

真風官資隨日以高遷壽筭與天而齊久家
用叶時和而保羨德星臨命宇以光輝道烝

陶鎔神垣湛徹百靈保衛萬聖臣扶眷屬允
諧親姻叶义九玄七祖憑妙利以飛昇五苦
三塗沐良因而開泰一誠所感百惡自消萬
善雲臻千祥輻集上明

天尊大慈之澤下副臣等皈命之誠謹啓以

聞

發願

一願靈光下燭

二願道月揚輝

三願恩宣九地

四願誠達九天

五願真靈俱會

六願道炁周圍

七願天堂開敞

八願地獄隳摧

九願玄功普被

十願駕景空飛

十一願普天懷德

十二願道化無爲

復爐

存神燒香

香官使者左右龍虎君侍香諸靈官當令臣
向來早朝陞壇行道之所自然生金液丹碧
芝英百靈衆真交會在此香火爐前當願十
方仙童玉女接待蘭筵傳臣向來所奏之誠
速達徑上

壹十一

共

至真無極大道

三清上聖

昊天至尊金闕玉皇上帝御前

羅天大醮早朝科

羅天大醮午朝科

各禮師存念如法

丹靈朱火

炎霞激風

赤輪剛運

天光八衝

迸威包羅

交變萬方

流金豁落

群魔滅蹤

辟奸破妖

明耀元功

金符召制

躡雲策龍

謠歌慶會

散花太空

神化冥運

四極安隆

伏御帝前

罔有不恭

鳴法鼓二十四通

無上三天玄元始三炁太上老君召出臣身

中三五功曹左右官使者左右捧香金童傳

言散花玉女五帝直符直日香官各三十六
人出出者嚴裝顯服冠帶垂纓關啓玄壇土
地方域神真臣今午朝陞壇行道朝謁

帝真謹奏爲入意其詣誠意具載緘騰願得
太上至真道炁靈寶瑞光下降流入臣身中

壹十一

七

令臣所啓之誠速達徑御

至真無極大道

三清上聖

昊天至尊金闕玉皇上帝御前

請稱法位

具位 與臨壇官衆等謹同誠上啓

虛無自然元始天尊無極大道太上道君太
上老君高上玉皇十方已得道大聖衆至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上官靈寶至真明皇道君三十六
部尊經玄中大法師上相上宰上傳太
平下教二十四真人西城總真玉君太乙真
人東嶽上卿司命茅君定錄保命二真人名
山洞府得道神仙三界官屬一切真靈

臣聞運值真風職叅道要智不該於聞見心
未達於筌蹄徇利酤名屢移情於世習望洋
向漠徒延想於丹華若非竭蹙以通靈第恐
因循而悔忤故於懇請敢不遵依爰有忱詞
謹當宣奏

宣詞

按如詞懇備見忱誠諒達

天慈必回聽覽臣聞數起於一位成乎三一
爲萬物之宗三貫兩儀之序兩儀合德三景
著明正晝夜而有經運四時而不忒大維四

海別分野之災祥微止一身合年庚而陶鑄
所以星辰斗宿隨陽道以流躔祿相命財屬
天官之主筭貴賤任分皆是寅緣窮通有時
無非注賜今齋官某慶逢昌運生遇明時身
命祿財諒必由於臨照氣形質具幸允襲於

壹十一

八

冲和知寵若驚畏天奉戒潔蘭場而薦祉嚴
科範以伸虔仰奉

宸猷肅陳祀事時也烏輪停馭玉宇消氛葵
影正而不偏圭法明而易見取驗中高之勢
深得其宜坐觀斜側之端獨超所寓方士法

之而觀空入靜聖人用之而治世爲常惟此
正時密符妙化以今臨午行道請法衆等運
茲初捻上香

願此香煙騰空徑上

三清之境臣等皈身皈神皈命首體投地仰

依

太上三尊以是捻香功德上祝

當今皇帝伏願

九廟儲庥三辰効祉體堯仁而光被四表繼

周道而賴及萬方橐弓矢而戢干戈修文偃

武省刑罰而薄稅歛阜俗安時再變淳風重
光邃古今故燒香自皈依

道尊大聖衆至真之德得道之後保天長存
以今臨午行道請法衆等運茲二捻上香

願此香煙騰空徑上供養

壹十一

三界十方諸天大聖齋官三代祖先亡過魂

九

識伏願陰境開明陽魂審定洞觀無礙見真
諦之皆空反本還元湛神襟之似海參駕九
苞之鳳導迎十絕之幡遊宴清都超生樂國

今故燒香自皈依

經尊大聖衆至真之德得道之後昇入無形
以今臨午行道請法衆等運茲三捻上香
願此香煙騰空徑上供養

靈山海嶽得道神仙合家人眷本命元辰伏
願景命緝熙晨風扇祉壽考延洪於星舍康
榮厚衛於生經藹藹高門時臻吉事振振後
緒益熾徽聲和順肅雝樂育文明之化國騰
驤振起隆光禮義之名家儲慶有餘延禧可
大今故燒香自皈依

師尊大聖衆至真之德得道之後與道合真

唱方

懺悔

命魔

三啓頌

三豐

重稱法位

具位 與臨壇官衆等謹同誠上啓

三境至尊十方上聖玉京金闕天帝天真十

方師尊聖衆三界官屬一切威靈

臣聞空相無門外形聲而致禱道心有感因

視聽以發機常無爲而無不爲善救物而無
棄物臣等量惟至淺德亦甚孤進道階梯渺
然無際修真事業豈曰有爲獨抱不移之愚
欲探無名之蹟故每推誠之盡節必須後已
以先人思濟苦輪宜宣妙範今時齋官某夙

壹十一

十

膺重契仰戴大明保儉安淳早服事天之嗇
潔精澄慮不忘祇戒之勤嚴奉科條肅明裡
祀蘭缸啓夜想像星垣梵韻騰空聲聞霄極
異歎五明之仙馭少停

三境之宸游昭格上元啓陳無極恭望

皇穹上帝圓極高真法界仙靈羅天上聖芝
輶暉暉千官絡繹以周流

聖筭無疆保固山河而作鎮齋官某伏願百
靈拱衛五物防閑捍厄扶衰屏妖魔之故氣
延齡益筭沐仙聖之餘光福嚴運用以時新

禍掩行藏而日替操守克全於富盛溫恭允
著於名聞家以慶傳人從行顯見存長幼咸
享歡康過去宗親悉蒙開度城隍里社翊衛
靈壇符使功曹肅清黃道各效功勤之力竚
陞品秩之階一切含生俱沾法潤上明

天尊大慈之澤下副臣等皈命之誠謹啓以
聞

發願

一願靈光下燭

二願道月揚輝

三願恩宣九地

四願誠達天威

五願真靈俱會

六願道炁周圍

七願天堂開敞

八願地獄隳摧

九願玄功普被

十願駕景空飛

十一願普天懷德

十二願道化無爲

復爐

存神燒香

香官使者左右龍虎君侍香諸靈官當令臣
向來午朝陞壇行道之所自然生金液丹碧
芝英百靈衆真交會在此香火爐前當願十
方仙童玉女接待侍蘭筵傳臣向來所奏之誠

速達徑上

至真無極大道

三清上聖

昊天至尊金闕玉皇上帝御前

羅天大醮午朝科

羅天大醮晚朝科

各禮師存念如法

五星高耀

瑞氣虛浮

元始集神

天地交周

玉符寶節

嘯命微幽

擲火揚威

奸兇無留

萬魔振伏

紛葩却消

摧怪伐惡

道炁同流

神光照夜

陰翳俱收

萬神降格

扇景乘飈

群生咸遂

惠遍神州

鳴法鼓二十四通

無上三天玄元始三炁太上老君召出臣身

中三五功曹左右官使者左右捧香金童傳

言散花玉女五帝直符直日香官使者各三
十六人出出者嚴裝顯服冠帶垂纓關啓玄
壇土地方域神真臣今晚朝陞壇行道朝謁
帝真謹奏爲入意其諸誠意具載緘騰願得
太上至真道炁靈寶瑞光下降流入臣等身

章十一

十三

中令臣所啓之誠速達徑御

至真無極大道

三清上聖

昊天至尊金闕玉皇上帝御前

請稱法位

洪慈洞回昭鑒伏念臣謬因夙夢早謝塵緣
得奉

上玄獲叅玄律故每省循而知幸嘗思勉勵
以宣勤凡有告祈不容抑塞齋誠既切詞意
庸伸仰冀玄慈洞回真聽

宣詞

十一

十三

具如詞言灼見誠心冒瀆

玄慈益深祗畏臣聞洞戶三三敞瓊門於帝

闕天閣九九闕玉宇於宸京視不見而聽不

聞瞻彌高而察彌遠超出名言之外莫究微

芒不拘形器之間難窺杳藹靜應下生於漢
世玄元屢降於蜀都祕演真經密傳妙旨青
宮紫府邈矣開津黃道彤墀豁然通晝罄齋
莊而皈嚮一誠意以交孚感倏忽變化之神
若俯仰屈伸之速於是金關啓鑰玉女飛函

親謁

帝尊敬陳詞表上以消於災變下以度於生
靈普率咸遵幽冥是賴齋官某伏念身居寰
壤志在道階奉戒持齋命羽衣而宣敷經教
謝愆引咎尊

師寶而開設壇場存思而升炁朝天俯伏而
飛神謁帝時感紫光籠月金華浮瑞靄之馨
丹焰藏星玉篆絢祥雲之彩萬籟消聲於洞
壑羣飛斂翼於山林鐘磬齊敲與空歌而流
響坎離默運周內景以發輝三界齊臨五輪
偕度以今靜夜行道請法衆等運茲初捻上
香

願此香煙騰空徑上

三清之境臣等皈身皈神皈命首體投地仰

依

太上三尊以是捻香功德上祝

當今皇帝伏願睿文星煥神武龍驤明燭四方誕布

帝王之德坐觀羣動適當天地之心車同軌而書同文三邊寧靜韶盡善而武盡美四海

壹十一

十四

和平風行草靡而化無不成魚躍鳶飛而人皆自得今故燒香自皈依

道尊大聖衆至真之德得道之後保天長存以今靜夜行道請法衆等運茲二捻上香願此香煙騰空徑上

三清之境臣等皈身皈神皈命首體投地仰

依

太上三尊以是捻香功德歸流齋官某三代
宗親眷屬魂識伏願愆消愆海罪滅愛河三
報豁除八垢不留於心地六根灑落五神皆

得於性天煉形於流火之庭育德於童初之
府乘雲馭氣遊宴仙都出陰入陽逍遙聖世
今故燒香自皈依

經尊大聖衆至真之德得道之後昇入無形
以今靜夜行道請法衆等運茲三捻上香

願此香煙騰空徑上

三清之境臣等皈身皈神皈命首體投地仰
依

太上三尊以是捻香功德伏為齋官某誠存
一念醮設羅天謝過消災祈恩請福伏願金

壹十一

十五

書紀善玉簡刊名帝與其齡年彌高而德彌
劭神介之福老者安而少者懷爰居爰處而
神相其麻或止或行而天授之契歡洽門庭
之內慶傳閭里之間家用平康習學宜修於
爵祿人懷信義循行可襲於簪纓萬事咸亨

千災未殄今故燒香自皈依
師尊大聖衆至真之德得道之後與道合真

唱方

懺悔

命魔

三啓頌

三禮

重稱法位

具位某與臨壇官衆等謹同誠上啓

三清至尊十方上聖玉京金闕天帝天真十

方師尊聖衆三界官屬一切威靈

臣聞一以無爲得天人之旨要靜而觀復見
道德之純全含洪光大而邈矣難名微妙玄
通而深不可識離乎形器與物無疵要其始
終與道相保臣等持心弗惠立志非堅窮恍

惚而莫見其端窺微妙而或乖其度雖欲抱
黃而回紫豈能通真以達靈徒負職名濫行
科教齋官某浴身沐髮備禮陳儀欲款
天階爰修道範五方雲篆用收魔而束妖三
級靈場敬瞻天而望聖鳳燭搖紅而絢彩龍

煙散景以流馨高敞八門弘宣九籥伏惟
瑤京帝闕瓊苑仙都至聖元尊羣司列職九
色煥飛空之駕五明浮步景之壇神動天隨
揭生源之大柄灰飛煙滅掃罪籍之繁文一
慶所資無所不度上願

壹十一

十六

皇圖丕衍帝業恢弘梯山航海而入貢無違
外狄邊夷而朝宗不逆次奠齋官天鈞錫祉
道運儲庥祖考來寧叶詩人之雅詠神祇順
相利君子之謙光綿綿丕緒以隆昌奕奕徽
聲而振作門全忠孝代繼簪纓永却逆危茂

膺穰簡先亡受度近逝超生或繫三塗尚淪
五苦乘齋功而解脫不溺報緣准符命以化
生克膺福果暨幽冥之未度偕翊衛之有勞
允賴恩光俱超品秩則上明
天尊大慈之澤下副臣等皈命之誠謹啓以

聞

發願

一願靈光下燭

二願道月揚輝

三願恩宣九地

四願誠達天威

五願真靈具會

六願道系同圍

七願天堂開敞

八願地獄墮摧

九願玄功普被

十願駕景空飛

十一願普天懷德

十二願道化無為

復爐

存神燒香

十一

十七

香官使者左右龍虎君侍香諸靈官當令臣
向來晚朝陞壇行道之所自然生金液丹碧
芝英百靈衆真交會在此香火爐前當願十
方仙童玉女接待侍蘭筵傳臣向來所奏之誠
速達經上

至真無極大道

三清上聖

昊天至尊金闕玉皇上帝御前

羅天大醮晚朝科



